

"КУГЕЗЕ ЙЎКСАВЫШ" СЫЛНЫМУТ-СЫЛНЫСЕМ ОЙСАСКА

22 ноябрьште Морко рүдö книгагудышто «Кугезе йўксавыш» сылнымут-сылнысем ойсаска мероприятий эртыш. Вашлиймаште уста поэтессе-влак Альбертина Иванова, Алена Яковлева, Виктория Матвеева да марий семўзгар дене шоктышо Иван Каменщиков лийыныт.

Тушко районысо туныктышо, книгагудо пашаен, самырык тукум да сылнымутым йöратыше-влак погыненыт.

Саламлыме мутым Морко рүдö книгагудо вуйлатыше Маргарита Николаевна Семенова каласыш. Вучымо уна-влаклан умбакыжат возымо мастарлыкым вияндаш тыланыш.

Вашлиймашын тўн шонымашыже – самырык-влакым кызытсе поэзий дене палдараш, тудын деке шўмандаш, марий йылмым вияндаш.

Уна-влак сылне сем почеш ныжылге, чонеш логалше почеламут-влакым йонгалтареныт. Нине поэт-влакын сылнымут аршашышт моткочак ямле. Погынышо-влак нунын лудмыштым шулен колыштыч.

Вашлиймаш пеш пайдале лие, самырык возгалыше-влак шуко уым пален налыч. Тыгай поро паша умбакыжат ушнен веле шогыжо!

Алена ПЕТУХОВА,
книгагудын пашаенже

